

2020

# DK memoria

LARROTXENE  
Kultur Etxea





Erradikalak ginen. Ane Labaka + Beatriz Egizabal.

“Aurretik” eta “ondoren” ezinbesteko hitzak bihurtu zaizkigu 2020ko kontakizunak egiteko. Larrotxeneko jarduna pandemiak zatituta geratu zen, noski.

Larrotxene Kultur Etxeko hormak gainditu ditu bertako **Bideo** egitasmoak. Eskaintza formatiboa, ekoizpena ailegatzeko laguntzak eta proiektua hedatzeko gaitasuna izan ziren berriz ere Larrotxene Bideo egitasmoaren arrakasta. 2020ak eman zizkigun oztopoak aukera bihurtu eta Larrotxene Bideok, bertsio **digitalean** ere, arrakasta ezagutu zuen, egoera berrietara ohitzeko duen trebetasunarekin eta bere inguruan mugitzen den komunitate bizian oinarrituta.

Zerbitzu garrantzitsua beti izan da **materialaren lagapena**. Horren bidez ekoizpen propioak zein elkarlanak aurrera eramaten baitira.

Konfinamendu aurretik 12 lagapen izan ziren eta, jakina, dinamika moztu zen martxoaren erdian, ekoizpen batzuk bertan behera geratuz. Aholkularitza eta laguntza telematikoki ematea lortu zen, aldiz, eta pandemiak ez zuen lortu zerbitzua guztiz etetea. Ondoren, indartsu hasi zen zerbitzua eta 7 proiektu desberdinetan parte hartu zuen, 17 lagapeneri esker. Horrela, Larrotxene Bideok parte hartu zuen **Museo Bikoitza** egitasmoan, San Telmo **Museo**arekin elkarlanean.

Aholkularitza eta laguntza teknikoa ematea izan zen konfinamendu aurretik, bitartean eta ondoren Larrotxene Bideok eman zuen zerbitzu garrantzitsua. Pandemiak moduak aldatu zituen, baina ez kalitatea. Aurretik eta ondoren 361 (%68 emakumeak) pertsonak parte hartu zuten bertan, fase berrian alde aurretiko hitzordua ezarrita. Kolaborazioetan ere aipamen berezia behar du **Musikene**rekin egindakoak: Larrotxenetik 5

pieza eta erreportaje bat egin ziren **Musikene**rentzat.

Konfinamendu aurretik 39 ikaslek parte hartu zuten **Ander Iriarteren Fikzio Zuzendaritza eta Aktoreekin Lana**, Iñaki Sagastumeren **Producción Audiovisual** eta **Laurent Dufrecheren Teoría del Montaje** ikastaroetan. **Michel Gaztambideren Guión Avanzado** ikastaroa arrakastatsua pandemiak bururaino eramatea eragotzi zuen arren, Larrotxene Bideok mintegi arrakastatsu bat egitea lortu zuen berarekin, eta 35 partehartzailek film labur bat aztertzeke beste modu bat izan zuten. Udazkenean 2020-21 ikasturteari martxa heldu zitzaion **Andoni De Carlosen Gidoigintza hastapena** ikastaroarekin.

**Bideoaldia** izan da urtero ikasturte osoko lan isila ikusgarri bihurtzen duena. 2020ko edizioa guztiz berezia izan zen, konfinamenduaren ondorengo lehen ekitaldia izan baitzen kultur etxean, Antzoki



Zaharrearren garatu arren. Aipagarria da horra ailegatzeko Larrotxene Bideo egitasmoko taldeak eginiko lana, bereziki konfinamendu garaian. Ekoizpenak izatea ezinezkoa iruditu arren, emanaldi sorta polita (7 lan), ikus-entzunezko aurkezpen umoretsua eta guzti lortu zuen Larrotxene Bideok.

**Bideoaldia** berritzailea ere izan zen, online egiteko aukera eskainita eta emanaldi osoa ikus-entzunezko eredu desberdinez baliatuz prestatuta (animazioak, grabazioak, bideokonferentziak...). Horrela, bertan 180 pertsonen eta etxetik beste 86k parte hartu zuten. Bideoaldiak urterokoari heldu zion Zinemaldian presentzia izatea lortuta 2020 desberdin horretan.

Nobedadea izan zen 2019an sortu zen **Oihua!** egitasmoak 2020ko udaberriaren garatu, udan grabatu eta produzitu eta udazkenean argia ikusi zuen **Zerua hautsi zen gaua**

# OIHUA!

lana, Donostiako Fantasiatzko eta Beldurrezko Zinemaren Asteak, Donostiako Sustapena - Gipuzkoa Film Commisionek eta Gazteak bultzatuta. 8 hilabeteko lana, oso baldintza zailtan egindakoa eta Larrotxene Bideoko kideei esker gauzatua.

Konfinamenduan zehar praxi digitalak hartu zuen garrantzia ez zuen ustekabearen harrapatu

Larrotxene Bideo. Aurretik eta 2019-20 ikasturtearen zehar **Medialab** egitasmoa jarri zen abian, **Learn By Doing** delako metodologia eta lantalde bidezko formazioa erabilita, bi egitasmo gauzatuz (**Hijopotismoa** eta **Antenas**). Konfinamenduan hiru formatu jarri ziren abian #DKetxean egitasmoaren baitan: **Adobe After Effects tutorialak**, **Transmediazine** eta **Larrotxean zuzenekoak**. Ondoren dinamika digitalak jarraitu zuen eta Medialab prozesuak berreskuratu ziren, egitasmo berriak burutuz. Halaber, Larrotxene Bideoko eduki digitalek sare sozialetan izan zuten inpaktua inportantea izan zen, gorakada handiak jasota YouTube, Facebook eta Twitter sareetan.

Larrotxene Kultur Etxeko beste jardunari dagokionez, ondorengo fasean **Lagunekin Kantari** egitarauak argia ikusi zuen salto bikoitza eginez: batetik, udaberrietik udazkenea eta, bestetik, Larrotxenetik Intxaurrendora. Astero-astero Larrotxenen **Intxaurrendoko Kantuz** ikasturte osoko formazioaren inguruan biltzen direnak urteroko saio bereziari heltzekotan izan ziren, baina pandemiak berriz eragotzi


*Kalean otso, etxean uso.*

Patata Tropikala.



*Txor-Txor,*

Nerea Arriola.



Bideoaldia.



zituen **Peio Ospital** eta **Fermin Balentzia** kantarien emanaldiak.

**Euskaraldia** ekimenak Intxaurrendoko mugak gaindituta, bi arigune sortu zituen, eta Intxaurrendoko Kultur Etxearekin batera, berriz ere hautu pertsonaletik kolektibora salto egiteko modua zein den praktikan jartzeko parte hartu genuen azaroaren 20tik abenduaren 4ra. Aurretik, Larrotxenek **Nerea Arriolaren Txor txor** bakarrizketaren lehen saioa jaso zuen irailaren 9an. Hau izan zen konfinamendu ondoren Intxaurrendoko berreskuratu zuen lehen jarduna.



*Txoriak txori.*  
Sarini Zirko.

Izan ere, antzerki saio desberdinak bildu ziren Larrotxeneren inguruan. Konfinamenduaren aurretik eta ondorengo larunbatetan plan ederra eskaini genien auzoko txikienei: **Egur taupadak, Kanean otso etxean uso, Murren Bidaia, Dr Bubble** eta **Mc Fly. Poltsiko Antzerkiak** ere kukua egin zuen otsailean **Inprokomeriyak** lanarekin. Eta festarik gabeko irailean kaleak jaso zuen **Sarini** zirkuaren **Txoriak txori**, 2020an izan zen kale antzerki bakarra.

**Ikastaroen garapena eta eskaintza** guztiz baldintzatua geratu zen konfinamenduaren ondorioz. 2019-20 epeari dagokionez, nobedade handia izan zen eskaintza digitala egin ahal izatea. 2020-2021 epeari dagokionez, eskaintza erabat mugatua geratu zen, osasun egoerak eskatzen

dituen segurtasun neurriak mantentzea helburu.

Larrotxeneko **liburutegiak** ere izan zuen bere "aurretik"-a eta "ondoren"-a: aurretik **Ipuinaren Ordua** txikiei emaniko jardura izan zen. Ondoren, aldiz, ez da posible izan segurtasunezko edukierak mantentzea. Bai, aldiz, inguruko txikiei eta helduei irakurtzeko eta kontsultarako aukera ematea, ekainaren 1etik ateak berriz ireki eta mailegua eta kontsulta zerbitzuak bizi-bizirik baitaude.

Urtea bukatzeko **Altzako Historia Mintegia** elkarteak 2021eko egutegiaren banaketa Intxaurrendon egitea erabaki zuen. Hain zuzen ere, argazkia Intxaurrendori baitagokio. Banaketa atontzeko IZBEk prestatu zuen **Intxaurrendoko: ibilbide bat iraganetik** argazki bilduma kaleratu zen Txaparrene parkean.



*Murren bidaia.*



*Dr Bubble & Mc Fly. Nogusano.*



## Jarduerak

	Kopurua	Erabiltzaileak
<b>GUZTIRA</b>	<b>63</b>	<b>1.014</b>
Antzerki emanaldiak	8	354
Dantza emanaldiak	0	0
Musika kontzertuak	0	0
Zine emanaldiak	1	16
Hitzaldiak eta mahai inguruak	0	0
Erakusketak	0	0
Bilerak eta elkarten ekitaldiak	26	318
Liburutegiko jarduerak	28	326
Plus 55	0	0
Gaztelekua	0	0
Haurtxokoa	0	0
Bestelakoak	0	0

## Zerbitzuak

	Bisitaldiak
<b>GUZTIRA</b>	<b>10.148</b>
Liburutegia	9.651
Ikasgela	0
Gaztelekua	0
Haurtxokoa	0
Kzgunea (Nabigazioak)	0
Altzako bilduma	0
Altzako bilduma web	0
DK Irratia web	0
<i>Ispilu Beltza</i> magazine-podcast	0
Bideo tailerra	497
Musikagela	0
Musika Eskola	0
Plus 55	0



## Prestakuntza

	<b>Ikastaro eskaintza</b>	<b>Osatutako ikastaroak</b>	<b>Erabiltzaileak</b> Emakumeak   Gizonak	
<b>GUZTIRA</b>	<b>27</b>	<b>17</b>	<b>250</b>	
			185	65
<b>2019-2020 IKASTAROAK</b>	<b>22</b>	<b>12</b>	<b>148</b>	
<b>Ikasturte osokoak (2019ko urria - 2020ko maiatza)</b>				
<b>Egile ikastaroak</b>				
Euskaraz	0	0	0	0
Gaztelaniaz	1	1	11	5
<b>Ikastaro orokorrak</b>				
Euskaraz	2	1	18	2
Gaztelaniaz	6	2	25	7
<b>Bigarren lauhilabetekoak (2020ko otsailean hasita)</b>				
<b>Egile ikastaroak</b>				
Euskaraz	3	1	2	6
Gaztelaniaz	4	3	14	22
<b>Ikastaro orokorrak</b>				
Euskaraz	6	4	32	4
Gaztelaniaz	0	0	0	0
<b>2020-2021 IKASTAROAK</b>	<b>4</b>	<b>4</b>	<b>35</b>	
<b>Ikasturte osokoak (2020ko urria - abendua)</b>				
<b>Egile ikastaroak</b>				
Euskaraz	1	1	8	3
Gaztelaniaz	0	0	0	0
<b>Ikastaro orokorrak</b>				
Euskaraz	1	1	7	0
Gaztelaniaz	2	2	16	1
<b>IKASTARO PUNTUALAK</b>	<b>1</b>	<b>1</b>	<b>67</b>	
<b>Tailer, mintegi eta masterclassak</b>				
Euskaraz	1	1	52	15
Gaztelaniaz	0	0	0	0
<b>KZgunea IKASTAROAK</b>	<b>0</b>	<b>0</b>	<b>0</b>	
			0	0
<b>BESTE ERAKUNDEAK KZgunean</b>	<b>0</b>	<b>0</b>	<b>0</b>	
			0	0

**KULTUR ETXERA EGINDAKO BISITAK (GUZTIRA): 14.114**